

兩

浙

輶

軒

錄

兩浙輶軒錄卷二十四目

沈榮傳

沈樹德

孫貽年

何焯

沈冰壺

周炎

符曾

孫健

徐夢元

沈超

施檠

金淳

曹芝

黃琛

王承祖

魏之琇

陳撰

陳士璠

陳唐

顧光

溫恭

溫崧曾

張雲鶴

王元啟

陳鏘

胡樹枏

胡樹徵

章寶傳

鄭萬年

鄭光瑗

柴景高

柴繩高

沈慶曾

王德溥

兩浙輶軒錄卷二十四

督學使者阮元

沈榮

傳

字謙之號識師

歸安人

三曾孫

楷

世子

乾隆

丙辰舉人

薦舉

博學鵠

詞著

竹翠

躬堂詩

集

陳焯曰榮傳幼敏悟六歲即能作韻語甫爲文便有成
人風格前輩奇之年十四賦落闈詩有秋涼遍天下客
夢到林間句人稱爲沈秋涼性至孝父病篤禱神願以
身代則左臂一瘡和藥以進沈農堂徵君爲記其事

沈榮昌詩集書後曰吾兄最攻苦窮經學自訂其文曰
宗學集而爲詩亦性癖佳句五言如忽到無俗寺還厭
有酒家飛鳥因夙蠭愁雲若水涼七言如子陵臺畔
秋光好紅樹寄山叫畫眉皆非食烟火人所能道

雨過施靜巖風秀軒

三間茅屋裏幽獨賴鳴琴雨意猶憐草山光不隔林年來知
我瘦秋到費君吟明日西湖櫂烟波慙素心

湖樓雨中小集

半日雨濛濛登樓望不窮湖光疎柳外山意斷雲中心與水
俱遠盟惟鷗可同梅花何處落一笛怨秋風

沈樹德

字申培一字畏堂歸安人乾隆

詞科掌錄

臨安沈樹德申培廩生浙江

總督大學士無錫

公駢竹溪沈氏風雅自閑學心齋先生首倡翰

編論翁繼之一門輩從有端文揆曾素菴允相慶仲楷

世同叔祖國樞庭樹槐殿聲柱臣及東南三昆弟人人

有集博取一時於時申培尚在髫年故倡和集中

不與省試河圖洛書辨小阮爲師翰編恒稱之

借葉臯亭嚴翼吾登武昌城

黃鶴樓分韻

十盤攀陟武昌城回首當年感喟生可但烏林無北魏須知
黃祖有南荆三分霸業春江在百戰蠶強夕照橫多少興亡
成一瞬危樓何事獨崕嶧

孫貽年

字毅仁號壽門歸安諸生在豐源乾隆丙辰

舉博學鴻詞辛未

南巡召試一等一名

畱別都門友人

風雨離家憶苦辛重尋歸路豈迷津難將而目酬知已空把
肝腸說向人對酒何妨邀阮籍讀書早已薄蕪秦故園頗有

梅花古靜對寒香養性真

何

焯

字念修山陰貢生嘉延子乾隆丙辰薦舉博學鴻詞官河南通判著兩山書屋詩鈔焚餘稿詩妙

李紱

兩山詩鈔序畧曰吾鄉魏叔子先生全集載山陰

侍御

何公一

傳余讀竟深悲侍御以名進士起家捐軀

殉國

投崖復蘇懷貞烈哭顯賴枯槁終至一死而後已

此亦志士仁人所爲措膺歎悼者也壬寅余故廣河子

饑居江寺侍御之孫焯受業余門是歲

戊子

詔與傅焯鵠詞余極以生名應而安撫趙中丞薦矣生

又以疾發未赴旋以牛刺効力南工余雨江事竣回京

道經淮陰相遇于袁浦舟中固喜生仕路有階而轉惜

生以他途進也生出其近日所撰麟經拾溜徵卷求余

訂定生幼治春秋備究終始標義於三傳古注疏之外

春秋之義通于三百篇其解春秋

也義既嚴則其於詩也律更細矣

丙辰元旦次陳六寒淵韻

客途到處便爲家四十春光幾看花賀者不勞門寫鳳新年
何事壁塗鴉青袍落拓腰肢瘦烏帽低昂鬢髮斜眼底團團
多骨肉笑談忘却是天涯

兩浙輶軒錄

卷二十四

沙翁著 五集卷一百四

十一

沈冰壺

字清玉號梅史山陰歲貢生乾隆丙辰舉

詞科

掌錄山陰沈冰壺頗妙獨書傳詩雖多非所工也

嘗擬古樂府一卷柔主事改而鶴入都以是知名得膺

廷試

薦給

最後納卷被斥落或言其史論中欲黜蜀帝魏及進

金元而黜南宋當

事惡其偏謬故也

越風

梅史性孤介於時寡所合常有古人不見我之恨

喜博覽家貧無書恒借書披閱有得即見諸筆墨經史

最所窮究更熟勝國諸老軼事詩不規規講求音

韻采色而善於持論觀其咏史樂府可見一斑

隨園詩話清玉古調獨彈集以新樂府論古事極有見

解如韓永王璘非反李白受誣作夜郎行雪李鬱皇之

非黨作崖州行笑隋上詠字文身死於宇文作南氏怨

以何平叔之不父曹植爲孝不從司馬爲忠其粉白不

離乎之說抑梁黃誣李固之胡粉飾貌也人言崔浩毀

佛遭禍乃承崔浩云仙不能救佛豈能阤尤爲超脫

皇

宋文藻曰

沈冰壺撰抗言在昔集一卷謹案

能考證文史自抒學識非僅評論事跡之末然有意駭

俗遂至流于放誕至其所評品詩人文悉加排詆隱

然以第一人自居亦妄甚矣又案

全書錄入存目促要稱是編咏古與臧家評論事

欽定

四庫全書錄入存目促要稱是編咏古與臧家評論事

蹟者又別其學識頗爲拔俗而有意示高或流於誕如論帝魏帝蜀一條洞見宋人之複結論蘇氏父子之自相矛盾一條足闡其口論續通鑑綱目諸條皆頗允論岳飛文銀瓶一條極有根據羊祜周恭帝二條亦頗有推闡至於以司馬遷之先黃老後六經爲是以王充論衡欲藉諸子正經之誤爲誠在董仲舒上以莊子爲兩大儒以老子配論語莊子配易管子配書離騷配詩荀子配禮史記配春秋續爲沈氏六經謂管子地員篇班固地理志伯仲禹貢而周禮職方有愧色皆未爲定論其論効使傳之詩似矣不知効使傳本無足書乃明人鈔太平廣記二卷爲之其論亢倉子爲影撰是矣不知爲王士元所補士元作孟浩然集序自言其始末最附頗爲失考又如

國

朝詩人白王士猶朱彝尊田雯梁佩蘭宋琬諸人無一國不肆詆排朝文人自黃宗羲毛奇齡汪琬姜宸英王源方苞諸人無一不遭指摘或加以醜譽至謂其不堪供曉且謂此外寥寥自郐無譏其意尤放誕矣

何氏廬

寧居何氏廬不願爲曹氏子不入司馬黨安得不爲曹氏死平叔忠孝誠兩全宗旨老莊何損焉謀去強臣張帝室史臣

佞筆書反逆正始選舉最得人公論雖混出晉臣見傳
咸疏妄傳粉白不去手湯餅之拭君知否吁嗟乎搔頭弄姿誣李固曠
曠千載人不悟

我負卿

孔熙先志久抑三十尙爲郎那得不作賊熙先作賊負帝明
帝猶痛惜不絕聲有才如此我負卿帝平帝平誠憐才瓌汝
萬里長城胡爲哉

南陽怨

隋煬帝文

天下擾擾頻顧影練巾終上好頭頸隋人盡滅宇文氏誰知
仍從宇文死夏王草竊能討賊唐公父子含愧色宇文國賊
法應族公主有子不願育鶯鶯分翼碧江秋得比陳宮破鏡
不昔爲婚媾今爲仇別鶴孤鸞甘白頭

夜郎歎

唐家支庶領大藩祿山聞之爲膽寒賀蘭一言傾房公骨肉
猜嫌填心胸永王謀反出附會王不能明白何怪可憐天上
謫仙海上釣鼈客長流夜郎號黨逆同爲上皇臣同輔上皇
子鄴侯爲名佐太白坎壙死所遭幸不幸二李天淵懸若此
噫吁嚱王不反有公道白從王非草草或言出脅致回護未
深考紛紛譏議盡可埽

崖州行

贊皇之勦配裴度度薦宰相才此言殊不誤牛李之怨亦由
度黑白昭然本易悟珏耶嗣復耶贊皇實救之絢耶敏中耶
贊皇實引之此皆牛李黨誰言贊皇胸中城府多徇私太原
上黨次第克造膝密謀皆真力武宣二宗本水火太叔得立

太尉禍崖州之變意中事何必夢中乞哀我

東林詠

莫言東林賢未必盡君子若欲殺東林狼戾甚於此傷哉天
啟末諸公駢首死禍與國運相終始南渡紛紛猶不止

三間

茅屋三間窄好山四面圍溪光侵箬帽雨色護苔衣身老花
偏好家貧草轉肥蓬門過客少病鶴尙依依

周

炎

字西序號青瑤蕭山諸生乾隆丙辰舉博學鴻詞著幽思草可耕堂集

詞利掌錄蕭山周炎青瑤浙江總督上蔡程公所薦賦性溫茂淵懷若不及古文刻頤精粹似孫可之

龜亭詩話西序詩詞爲一邑之冠四十年前寶意商君爲猶江司馬時有越郡舒華之選託余徵詩余與西序世補交最善因錄其詩二十餘首郵寄之其題西施廟云誓死未刪亡國恨偷生背上五湖船秋闌云秋林無靜葉寒水有沈魚又如曉行云馬駛殘夢過江東怯相寺云山深寒月凍琉璃皆佳句也舒華之選今改名越

鳳梓以行世而所載西序詩不及諸作豈久而遺其稿耶然則越詩之佳者越風之所遺亦多矣西序於乾隆元年應博學鴻詞試至都門不能上竟以諸生終接嘉興沈廉少年入秦曾有句云去題百二關中唯要音三千里外山間者壯之西序弱冠登岱云帝座仰窺纔尺五黃河下覩直三千亦屬何等氣槩其後兩人俱不獲一第抑鬱終身然則世之所以詩句小人榮枯者乃偶中耳豈可全信哉

遣女

生男苦不長生女總盈前看汝宜家日悲予授杖年隨行推竹笥耀首乏金鉢鼈勉能操作何須愧鮑宣

岱廟

丹崖萬仞削青天玉檢金泥護紫烟帝座仰窺纔尺五河流下視直三千東方玉帛壇前聚北極星辰掌上懸野老年來

望

巡幸海波無恙悉成田

咏柏

鐵戟當門老，榦森蒼虬風。入夜能吟孤，擣歲月還真。
性力戰冰霜，結半陰。豔李磾桃凡，幾輩寒松翠竹是知音。
杜陵野老閒無事，長抱君臣際會心。

送友人渡江北遊

江頭波浪勢兼天，獨立蒼茫喚渡船。萬里此行誰結伴，照人
肝膽有龍泉。

憩韜光寺

靈峯遊不盡，攬勝入韜光。石路竹風掃，山厨薤葉香。
洗碑吟斷句，憑檻話斜陽。何處疎鐘動，清音入澗長。

南歸

牢落南歸裏，依然一草廬。秋林無靜葉，寒水有沈魚。
地僻逢

迎憇家貧事業疎誰憐張仲蔚老却案前書

曉發

鄰雞三唱月將白茅屋雙扉燈半紅無限歸心逐前侶馬馱殘夢到江東

符

曾字幼魯號藥林錢唐監生乾隆丙辰舉博學鴻詞

詞科掌錄錢唐符曾幼魯監生以工部侍郎休寧汪公

保舉授七品小京官在戶部監萬安倉宏詞爲刑部侍郎

靜海屬公所薦丁內艱不與試詩章脫手清便氣韻尤高切刻有賞雨茅屋稿韻推在骨始非俗清到無言

但得音味每句也又有句云秋山到晚露全骨涼月伴

人成苦吟又有句云三日不來秋滿地蛩聲如雨落空

山皆在人口居京師刻春光小稿錢唐陳楞山以爲操

舍自命不限常律洗削凡近出於自然如春在花如意

在琴妙妙達神難以述尋長洲沈礪士以爲如鶴鳴空

山泉流斷續使讀者夷然冷然不自知其矜平躁釋也

其爲名流所推服如此後游江

北有雪泥紀游僞余爲之序隨園詩話杭州符曾中幼魯詩主高淡嵇相國爲子誦

其三日不來秋滿地蟲聲如雨落空山一聯余記其齋

宮云寒雲添暝色老屋聚秋聲咏唐花云當時不聽吹

嘯力少待陽和也自開哭揚州馬秋玉云心死便爲大

自在魂歸仍返小玲瓏山館者馬氏花園也屬

對甚巧賈周石帆學士納妾云藥爐經卷都抛却只向

燈前吟沒

深尤蘊藉

梧門詩話符幼魯曾舊藏梅花研楊子苑仙見而作歌
查儉堂愛范仙之才妻以女幼魯卽贈研爲聘且圖焉
阮吾山賦詩云琢就琳腴漫練光湘奩添得紫雲香才
人一曲梅花引不用吹笙學鳳凰花影娟娟鬢影嬌東
窗紅日麝煤調玉臺好試

珊瑚管鏡裏春山著意描

舟行新安江中

翠重黛掩山無數蛾綠娟娟好眉嫵溪山如此真大佳行人
指說新安處家家結屋臨江邊門前多種垂楊樹樓敞青山
四面橫水風吹得全消暑天外微雲吐復翳晚涼幾陣蕭疎
雨雨過斜陽沒遠山鷓鴣低小沿流去飛來一鷺行近人獨
對船窗如欲語

春山

春山畫出修眉濃巖壑窟浮嵐中人家茅屋隔流水上下
十里吹東風嬉春我欲入山去林外時時聞鳥語試覓春光
多處來山前山後桃花雨

慧雲寺有約齋書陀羅尼經幢僅存半碣爲僧人支施
生臺沈湮已久敬身手剔出之賦詩寓感遂次其韻
半碣猶存捨宅餘寫經寮遠跡全疎象臺誰喚詩仙起手剔
青苔認佛書

游南湖慧雲寺

昨夜西風減漲痕荒坡流水接城根秋光都上綠荷葉斜日
晚花香寺門

遊萬柳堂

益都馮相國別
業今爲拈花寺

萬柳蒞疎冷翠陰謝公絲竹想登臨他時魚鳥忘機地別有
林泉會遠心燕去不知春寂寂草生惟覺晝愔愔恒河照影
如彈指始悟拈花意獨深

孫健

字卓如號雙樹錢唐諸生著嶺雲集詩餘集

碧溪詩話雙樹先生學書於城東鄭筠谷先生先生重
其品敬禮之延課其子禮恭同里倡和者魏柳洲沈桐
溪嚴古緣鐵橋沈耕寸師沈玉屏施潛珍張東表陳雲
諸諸君不可指數是時予與胡筠唐沈筠人皆在蓬年
不敢比於授簡分箋之列然心懸之私相砥礪學

爲詩蓋東城詩學之盛實是雙樹先生倡率之也

池州官署夜雨不寐偶成

孤燈樸被寄匡牀繞屋雨鳴正激揚偏有離愁侵肺腑絕無
歸夢到家鄉鼓聲隔院沈沈暗簷溜當堦細綿長却憶年時
風雨候故園梅子薦新黃

梅雨

五月吳天正熟梅斷雲含雨黯難開幾番陌上沾青草滿院
牆陰遍紫苔飄處忽明江外日暮時猶殷屋邊雷陰晴莫問

前村路劇喜伶仃屐齒來

四十初度自壽

人稱強仕是今年強乃誠然仕未然且向康寧希壽考不貪
富貴是神仙五車妄意兒能讀一大畱將女嫁牽願等向平
心又別行藏無著總由天

謝遣親賓自舉觴燈前勸影祝年長富從道北常居阮閒愛
漳南每就張喜婦差能偕我儉問兒誰解得吾狂醉鄉雖小
堪雄長冷笑青蓮在夜郎

宿水樂寺呈桐溪

雨晴風細桂花天折柬招余續舊緣曳杖不期逢逸侶倚簷

相與聽流泉狂採洞壑舉衣入醉借僧牀岸幘眠最愛主人
風雅甚山中畱客有詩篇

金衛莊看梅

狂夫非復舊狂夫來就寒梅相伴孤童掃徑便人曳屣花無言似女當壚浮沈釣侶溪邊釣想像壺公市口壺世胄金張都不問欲題勝境作東湖

徐夢元

字端木號徐都錢塘諸生著珊瑚軒詩二卷

碧溪詩話端木為紫珊先生從子困於場屋歷遊吳門江右湘楚至三衢而終歸後閉門老於一橋之居予於戊子歲見所作酒旗詩心慕之迨卒後訪求遺稿久而不得今年春其門人許簽人屠漢聞以遺詩五冊乞選因加刪訂

畜雞

我生時命多蹇難家貧贏得身當閒年踰五十百不就每嘆

新肉生髀間今來吳閒頗健飯客窗無事愈習懶疎櫛日射
猶未起一首詩成又日晚主人食饌愁未充忽聞喔喔雞聲
雄我無越石起舞志愛渠德備毛羽豐因戒庖人莫烹炙爲
求稻糧治塘堦繞砌常教啄草蟲隔花還看捎飛蝶窮黎歲
儉慘滿前何暇微物謀生全治安無與南州事要使朝朝破
晏眠

妹婿沈偉人久客歸喜賦

乍見未及語顙令頰鬱空悲歡一時集涕泗兩人同招妹延
夫婿呼甥認乃翁開軒置杯酒且莫嘆飄蓬

尋金鼓洞

僧廚飽飯後雙屐踏斜陽野鳥引人聽好風吹我裳晴山分
樹綠春草學花香欲問棲真處平岡見短牆

登越城府山

細路盤空上危欄手自捫樓臺都到眼烟火各成村六月不知暑羣山獨此尊夕陽明似錦猶見霸圖存

淮陰侯

眼見分羹與夏羹漢高安足共功名悵於南鄉從蕭相悔向東齊殺酈生敵破不知功震主家亡猶說善提兵良禽擇木君何有慚愧用橫好弟兄

武侯

西魏東吳日戰塵臥龍臣節最清醇隆中出處猶三代漢後功名止一人摩晝廟堂無負主鞠躬社稷已忘身至今五丈原頭草吹徧東風總不春

于忠肅

碑碣荒涼野草熏翠忠遺事慘人聞誰將天子爲孤注獨念
蒼生建長君沙漠未歸勢碩畫乾坤重闢戮元勲春光不到
台峯則七尺高墳鎖暮雲

陶靖節

飄然栗里作遺民門巷初無車馬塵五斗功名還亂世一杯
天地自長春宅邊楊柳原臣晉洞裏桃花尙避秦誰料義熙
遷播後猶從甲子見完人

秋暮登丁仙閣

小閣嶺嵒倚石成芙蓉秋老露華清洞中許採新雞犬雲裏
茅君舊弟兄日暮隔簾千嶂碧天高當檻一江平下方人語
喧城市歸去氛埃步步生

冬日卽事

山容漠漠嚴寒日江色昏昏欲雪時天際有家歸未得客中無事睡相宜風高征鴈啼聲冷雲重歸鴉過影遲多謝南鄰素心友晚攜醕醕到茅茨

歸家

簾底呼兒典珮環燈前爲我具杯盤長貧不識居家樂久別方知見面歡小圃新梅香正破中天明月影初圓高歌一曲且沈醉莫管霜毛鬢似潘

木香

綠陰如蓋復如屏小朵叢叢擬素馨滴架露華春瑣碎一簾晴日雪零星開多兒女寧知貴香重園扉未許局不是眾芳容易落茶蘼風過尙盈庭

香綠

不屑纖同摘抽粧綠陰深謾一闌黃芭醜冷露圓還重影挂
秋風皺愈香照眼規模金作質調羹滋味玉爲瓢美人更是
深憐惜綵纈高籠入繡牀

司馬相如

琴聲入夜不勝春歸去臨邛共食貧枉道長門悟明主白頭
哀怨是何人

明皇

蛾眉禍烈竟傾城馬首香羅未了情萬里淋鈴多少淚不知
幾滴爲蒼生

黃熟梅

入夏離離徧小園吳鹽如雪蘸精盤誰知黃閣調羹味却與
書生一樣酸

七夕

世間巧莫如耕織瓜果何須更乞天不信請看河漢畔牛耕女織自年年

鷺鷥

高卷一足意蘧蘧只在垂楊水次居不獨山禽都羨爾侯門還有客無魚

沈

超字贊思號耕寸仁

和請生著續集

碧溪詩話先生生期而孤母田夫人親挈渡江就伯父讀書天資頗敏家貧依人賈遊甌越金陵間二十三投徒鼎湖荒村破屋人蹟罕到冥搜默討研求經義遺興陶情發爲詩詞白得真趣先生屢試不利晚年益以詩白娛甲戌秋購屋三椽爲耕寸草堂時集同里魏柳洲礪九峯鐵橋沈樹溪何春清暨及門三四人爲培廬詩會妻葉夫人尤好客治酒肴無倦憇庚辰復集諸君爲謝香吟會遠近屬和先生詩愈多發未春文藻輯先生稿遊江南爲偷兒悵竊甲申歲搜求臘稿合賦詩詞抄爲十二卷名萬餘集

橫塘訪友

夾岸垂垂楊柳齊故人家住板橋西客來不吠花陰犬口暖
惟開向午雞

十里橫塘寒食酒一溪春漲武陵花風光相值不相賞羞殺
小樓吹笛家

施

檠字紅亭
仁和人

碧溪詩話紅亭先生乃七帆先生子也年二十餘幕遊江都後隨父任建陽遊粵東十二年歸不復出門孫甄士爲吾女夫歲乙卯始獲讀遺詩一過

烟

細練輕綃擬絕倫橫波漠漠遠還生吹殘幾點夕陽雨飛破
一聲溪鳥鳴籠樹有情偏暎歷遮山不斷更分明最先曉月
征人見野店雞聲一縷晴

晚興

向晚白于晝，關門立不歸。
樹頭風寂寂，花底露微微。
獨鶴冷隨我，野雲飛上衣。
月華長似此，作客未全非。

金淳

字龜農

仁和人

魏成憲曰：按孫文瀧湖野詩鈔云：金淳字龜農，別號陸飛霞。飲齋詩稿內北墅三老詩有：金趙農淳。一首云：河殷有金丈，飄飄不言飄。飄零走秦趙，骯髒辭爲歌。詩晚脫將軍幕，少奉高士師。往往談狗屠，四座停酒卮。首記微飲云：金先生曾入某將軍幕，未幾引退跡類唐六如郭清狂之避諱，應人也。先生嗜酒與金侏田玉茨、楊陸、張沈、江詩酒相娛樂，不問家人事。微飲有：幾年詩酒共狂顛，鄰曲無人不道仙之句。

蔣貞女詩

里有蔣貞女，幼字丁右文之子。璞山璞山十九而死。

貞女誓不他適，依父兄以老。

足不踰三徑，心難負一人。暫依兄嫂住，深念舅姑貧。絕意除

環瑱闌情到米薪有時還剪燭竟夕話艱辛

重渡渭水

花氣蝶飛晨林聲鳥喚春沙崩孤樹出岸削一峯真有客停
征騎無人理釣綱茫茫渭水一渡一愁人

丁卯姜桂東登賢書詩以賀之

猶記君先子棲遲灞澗隈每逢南榜發長望北書來蹭蹬過
青歲歡娛到夜臺定知人子意釀酒倍生哀

橫棹旋登軾長途詎免勞打篷南雪少撼壁北風高好句畱
長卷微疴付濁醪到時應不惜數字寄亭皋

紅葉

不信珊瑚琢不成白雲深處郤縱橫無人不作山花看有樹
多從海上生未必黃金能點染可憐青女太聰明霞標十丈

連天起雲鶯峯前似赤城

無論烏柏與青楓不費燕支設色工烈火燒殘鴉點點落霞
烘斷鴈濛濛比于三月花猶好翦出千枝彩或同情殺庭莎
老無賴也匀顏色做衰翁

過嚴陵釣臺

直將軒冕等泥塗占斷溪山入畫圖天子不能官釣叟仙人
只合帶狂奴薛壘殘碣門常掩鴉亂空林日又晡側想高風
薦芳芷不知何處酒堪沽

笑隱南陽隱富春富春山色鬱嶺峋雲臺勸乘歸諸將大澤
烟波老故人豈必披裘能祚漢卽看斬木寬亡新我來一事
堪疑甚千尺岡頭下釣罷

癸卯花朝後一日月田先生招飲屬和早春臥病之作

卽事率成

嬌將白髮帶紅絲好句拈來不離禪藥裏心情三徑雪梅花
消息一溪烟清泉淪茗畱僧話深院移燈對鶴眠七發不須
重脫糞天教微疾警衰年

忽漫招尋一破顏白頭好在祇疎頑舟移渭北前遊慣馬去
彼西後會慳薄后廟前鄉夢遠梅鋗嶺外訟庭聞南飛烏鵲
西飛燕取次歸來話故山

筱飲有山左之行口占送別

可憐花發過清明風雨經旬別恨生最是一盃婪尾酒送春
歸又送君行

遠行不過二千里濶別料無三兩年畢竟臨岐愁欲絕白頭
二老淚潛然

曹

芝

字臺九號荔帷仁和貢生著流句亭小石倉稿

杭州府志文苑附傳

里中諸老相倡和分茅設範無所比附

高弟學有根

底與里中諸老相倡和分茅設範無所比附

丁龍泓印譜芝里印跋曰荔帷解得老夫篆刻無法之

法以詩來謝相應之速且要次韻并刻印石亦佳話也

因如其請荔帷偶詩予次韻云石章刻就石生輝絕

似朱弦信手揮却笑解入于未一說難吾久是韓非

隨園詩話吾鄉文學尚芝字荔帷以好名貧

其家中年遽亡詩稿甚富宿隨園有詩見贈

小有天園雨中分韻

簾賓玲瓏繞曲廊行吟盡日雨浪浪湖雲不動如濃黛林靄
亂飛猶夕陽夜樹幾年曾共聽佛池一鉢試分嘗此時閉目
參公案待問家園梅子黃

秋日登南山亭

屏山幾點弄秋姿又挂登臨杖一枝霜樹點成閒筆墨禊室
開處古茅茨人移湖雨湖雲棹我有愁風愁水詩猶記前游

亭子在簷殘黃淺唱紅兒

余與同晴峯登南山亭賦秋柳詞忽忽十餘年矣

積雨初晴江硯農招集淨香園分韻

暖雲幾片散晴郊白版園扉許我敲草上禊堂芳意滿水迎
歌舫碧痕交酒杯對景應須把吟屐經春未肯拋揀取翠情
惜處坐檀樂新放兩三梢

雨中飯古招賢寺同樊樹先生分韻

佛屋清涼蘆荻灣數珠白拂老僧閒遠天何處鶴聲妙活水
一池魚影班展鉢飽嘗鐘後飯閒簾冷看雨中山明晨準擬

將眠具占取曲房雲半間

弄珠樓題壁

閒逐馴鷗影蘆洲復蓼洲笠分子樹雨漿劃半湖秋落葉散
淒響亂雲生晚愁野心無處著吟上水邊樓

讓公山舫新成詩以落之分得秋字

道人結屋同茅舟一室真有江湖秋八窗祇許雲影入四壁
欲共松風流心空不礙成繫著俗遠豈與爭沈浮我來褒飾
且借住大放眼界凌滄洲

黃

環字西清號山民又號筠笑

錢唐人著市曲茅堂集

江衛市曲茅堂集序畧曰山民之詩骨清而味腴眞性
內含風情外朗少孤思再岑先生貌不得遂學書畫以
神品壯歲自振厲爲古文文如

其心爲詩數十年得數萬首

鬼亭詩話黃山民詩清而腴耐人咀嚼如咏鶴云江邊
夢破蓬坡老世外官清送趙公冬暖云一日有春洗坐
暖好風如酒不吹寒錢唐懷古云三日波濤
非宋有百年興廢自天教教字押得尤新警

河渚

河渚周閒水人家不種田魚蝦覓生事茶筍作豐年遠近迷
無路東西趁有船此鄉風俗美歸臥恐無緣

新羅豆

入夏新杵鄉味誇也隨櫻筍說年華邵王墳畔南屏路曾看
連塍水墨花

訪王三丈

本山居

繫艇從湖岸柴門老樹陰片雲纔過雨一徑入花深泉石餘
清話茅堂見素心何曾買山隱閒處卽開襟

大塢尖

白雲世外路我亦打包僧十里走健屐一峯支瘦藤午殲香
積飯夜影竹房燈喜對瞿曇坐同參最上乘

寄懷族兄

璣

自是別來久年華愁遠行得歸貧亦好隨俗事何成秋樹夕
陽路黃花白髮兄在家終勝我泉石况多情

丹陽舟中作

輕舟三百里夜火過丹陽七十二流水一齊歸練塘詩情同
月冷客夢與途長驅力任飄轉東風趁半檣

辛酉人日集飲樹蕙吟齋

數過牛羊說及人好晴天爲作靈辰打頭花意在老樹逆鼻
酒香來早春就是隔年閑世界却逢新歲舊比鄰題詩更祝
明朝穀一醉江鄉未覺貧

曉起

童子開門天忽明小園樹上起雞聲心空萬念見真意人老
一峯疎世情紅藕香凝秋露濕綠筠雨洗曉風清今朝準擬
閒無事去與鄰翁話早晴

王承祖字述先號古徵義唐人

丹林堂著石蘭堂集

國

吳穎芳石蘭堂集序畧曰

初吾杭諸子多沿雲間歷下詩派獨湯少宰西崖語拔流俗清華超逸足名大家宦京師時故鄉能詩諸朝彦咸與之酬和而王中書赤舟先生爲其冠令嗣竹所先生以清才被薦供奉

內廷

賜食館俸吾友古鐵卽竹所先生之子也承其家學敦古絕俗初寓津門卽詩名噪於北繼爲兩粵湖海之遊卽詩名噪於南及其歸也月堂雨櫨山庵湖舫之招每與素心人角勝墨場無敢撄其鋒者其詩風骨遒健調高氣品清位指於古作者時流遠有所不能及唯是詩益上品益潔而貧益甚晨炊缺不舉常人有難堪而君方以飢潔其腸因寒堅其骨幹仰屋著書矻矻不休興至而吟春和鳥聲秋苔蟲響而左顧孺人右撫二子朝冰一甌夕糜一盞一家安其貧天倫之和順今撫稻列饌之家無此樂也

送西顥之福州

風前歌折柳相顧意茫茫行跡幾時定詩名到處傳愁邊新歲月望裏好山川書遠憑誰寄帆抽荔子船

秋日查蓮坡招飲水西莊

風聲入樹急疑雨雲影隔簾遙似山境好欲生三宿懸年來
難得一身閒

鼙確聲中骨脫蛇蟠聯影裏尾銜鴉果然人力爭天力棲
猶開晚稻花

食筍

春雷一聲驚蟄龍兒孫頭角掀土鬆銀刀快研看濺濺錦襍
乍脫憐重重泉甘釜潔供晚食山川清氣瀉胸臆惜哉介節
不養成雲鳴烟陂應減色

東諸來青

經旬不見諸生面料得深居影伴身壯歲天公閑我輩一編
詩句擬前人家僕水竹應多味心鄙錢刀自合貧秋暑漸闌
堪信脚高談莫厭往來頻

食甫

口腹愁累人吾貧滋味薄菘蘭葵蔥蓼莧藿因時取
釣盤隨意恣大嚼微情所尤嗜嫋嫋剪絲弱湖波春正肥小
艇蕩還泊舟人出瓦盎采擷縱歡隙人手忽脫手沿流活難
攫攜歸灑清泉要及涎未涸烹先珍雞尾瓶不數羊酪最喜
滑流匙還看翠浮鍤當殼呼婢妾小竈可時索刷拂萬錢厨
肥矜填慾壑不知一飽後寧辨精與惡斯理本易明吾言渝
非謔點羹下鹽或方法古堪酌客至亦足供相期歸儉約

遣兒子宜穀之泰州

三年吾抱疾憐爾久飢寒乞米知難繼投人與好看關山雖
不遠舟楫願多安去去無他囑浮生生理難

火伴催同發臨行淚暗垂汝懷應善遺吾病尙能支近海羣

同湖車事銘序卷之四
商聚牽江巨艦隨到時應得便休遣報書遲

仙霞嶺

西風吹細雨送我山中行籃與冒深翠虛壑嵐濤生修篁夾
磴道古木還交橫廻盤徑欲盡仰見蒼崖傾躋攀覓往路暗
澗沙中鳴尋聲屢紓折藤葛頻牽繁縈關忽在望睥睨高峰
嶮想當草昧初莽藏鼯耗啼炳復瀨雨白日無光晶悄然
心魂悸拔劍誰敢憇時清天失險蛇龍捲麾旌岩花饒媚色
野鳥多和聲擔囊不須戒穩趁東西程俯仰異今昔足慰行

旅情

觀鮑以文所藏文丞相草書尺牘

公二女環娘柳妃散失兵間環娘不知死

生柳娘依乳媪徐西敵營書蓋爲此作并及軍事

湖氣高凝宋社星丞相義旗猶自卓一旅思將天地爭六庚

難使山河復空坑濶後身遺竇擾攘平戈分骨肉盈盈閨稚
十齡餘翠眉紅頰珍雙玉寶劍交揮瑩鸞鵠繡衣片裂飛羅
縠烟昏塵暗散營陷鴉鬢低垂看影哭存亡消息兩遙傳丞
相令辛親草牘不知高義竟何人其人惜不傳物色聊將存
者囑倉忙軍事猶未忘硯縷哀言俱可讀墨痕黯淡紙色古
跡矯龍蛇應寶蓄鮑君得之異異錦展示明窗肅心目兵燹
頻經劫獨留鬼神永護光常煜當年蹂躪劇堪哀萬里中原
何慘黷

曲尺村同吳西林翟晴江賦分得村字

吳君棲隱地繚曲殊他村隨地各築室而勢互關門迤東里
才盡轉北巷還存花竹過南茂桑麻折西繁石橋跨流水灣
環進漁輪微微草間徑有若修蛇蜿植榦護雞鳴繁帶籬與

藩過客愁出入空認齒屐痕意行往而復恍惚難具言愛此
紓且遂足以絕趨奔我情多坦直知不利孤騫何如來此住
庶免時俗喧

春曉同蔡潛川高伯陽泛舟花神廟尋岳湘亭訂櫻笛
之會

才露清光便出遊午餘同泛總宜舟柳條風動帽簷拂花氣
日薰衣上浮要看青春幾日盡莫慳杯酒百分酬錦芍紅顆
時新味試問良朋許會不

七月十六日兒子宜穀之閩詩以送之

吾衰怯行邁汝壯合經營幸有殊方友猶敦古處情江船尋
遠伴村學散諸生去去休垂淚全家藉此行

喜得兒子書

柴門方獨立有客問吾家忽得東溟信能開老眼花裝輕身
不累俗異俗能加川陸秋俱爽渾忘道里踪

復道新知厚能令遠客安一尊勞矣澗數口念難難許爲謀
生計先畱度歲寒汝曹何以報知亦有心肝

魏之琇

字玉橫號柳洲錢唐人著嶺其詩鈔柳洲遺詩

嶺雲詩鈔白序署曰余幼而孤貧益落拓以手業自
給幾二十年矣居恒好爲韻語以自娛甲戌歲獲交鮑
子以文以文工詩而富于書每商畧前人與余見多合
而尤愛余詩抑余實未嘗學問任意爲之大好爲而窮
學者病也余又粗知醫而不能自療其病始以文之
以文之裨余詩始欲示善醫者以療之乎

碧谿詩話柳洲少孤貧嘗就業于瓶窑鎮質庫中書則
理賈務夜盜隨燈幃帳讀書由是力學工詩鮑綠飲爲
刻其嶺雲詩鈔集中有落花詩五十首傳誦一時吳殿
提雲嚴亟賞之延之專東學使院晚年以醫自給手輯
續名醫類案五十卷嗜飲苦吟初病黃疸繼病怔忡形
色槁而興不衰卒後友人醵資卜葬于西湖青龍山麓
石曰錢塘詩人魏柳洲之墓而類案一書子爲錄副呈
之書局

欽定四庫全書得遺著錄於
是柳淵可以不朽矣

蘆花

寒汀極浦雪綿綿拂岸繁波送遠天千頃夕陽茅舍外十分秋色板橋邊涼風漸瀝吹明月細雨溟濛濕亂烟遙亮一聲何處笛夜燈紅出釣魚船

春日湖隄

何處東風好逗迴柳邊遲日聽鉤輞草香引客尋詩路山色隨人上酒樓浮白早謀今日醉踏青還記昔年游誰家畫舫桃花外滿載笙歌湯鴨頭

夕陽和鮑以文

依依脈脈下平蕪啼煞江南舊鷗鷺殘角淡寥閒古艤片帆明滅淡重湖無端草樹含情思一半樓臺入畫闌安得詩如

摩詰手寫將烟景待重摹

題嚴力菴畫西溪探梅圖

郡城西去三十里萬樹梅花一溪水日出烟消不見人人家
隱約梅花裏東風幾日吹林薄茅舍板橋春漠漠娟如靜女
倚修竹瘦若癯仙臥寒壑陂塘寂寂花愔愔清溪彷彿桃源
深了無塵埃汚履迹時有鴈鴨驚等音天憐此境太幽絕特
倩我曹爲搜抉載酒晨衝古渡烟尋詩暝踏荒林雪輕舟盪
晴花正開入花漸深迷路廻月明疏影掠蓬過風起暗香隨
櫂來十年無復經河渚回首同游半今古重來水墨意茫然
始覺嚴生用心苦

葺敝廬竟同人以詩見貽有作

荒涼老屋破不治歲久側向東南欹檣頽那禁朔雪壓柱折

更受西風吹比鄰愁傾素魄傍舍畏覆先遷移我云牽蘿
尚可補人謂一木將難支蟲蠹蟻穿旣朽敗烟熏雨漏尤離
披沈吟幾欲棄此去仰顧詎忍先人遺平生不作百年計對
境獨抱千秋思東觀吾宗漫入畫少陵野老誰寄貲支吾自
廉費竹木塗壁未免煩工師友朋廻轍倒囊橐妻子輒炊留
屢寥盡典衣裳賣書籍猶賒鹽米乞齧飴經營半月乃斷手
灑埽數日聊開眉瓦松和霜削青翠庭草帶露除蔓滋拂塵
梁間墮燕壘懸箔戶外收蛛絲夜讀且休鑿壁念春眠纔免
排牆危小人求安固所恥君子慮患寧非宜萬間廣庇空有
志一室埽除從見嗤劇憐虛室木生白便有大手來題詩

病疽戲作呈鮑以文

柳州居士食無肉食節要待將成竹鳩形自與鶴爭瘦菜色

由來蛙比綠唯餘濁醪不可無日 謂離騷醉幾壺不令渴羌
受饑酌時聽枯腸鳴轔轔豈虞快 想逢軒轅濕熱侵淫作黃
疽未能學佛聊學禪初祖金容壯觀覽新舊時勞致問頻勸
余藥裹搜茵陳笑而不答心自了地下未要窮詩人綠飲先
生獨殊眾酒錢日日還相送夜間藏神來入夢尙有黃蓋三

百齋

龍泓訪舊圖爲沈振飛作

沙平水落溪有痕雲浮石動山無根幽人杖履有詩意石徑
窈窕通松門家江風景九十月紅映滿山霜葉翻夕陽采翠
照絕壑秋色明淨連高原彈琴煮茗茅屋底有老遲客開晴
軒跫然足音叩門至童子側耳雞犬喧故人久住南山下數
載不見勞心魂披圖忽覩訪舊作恍惚重到烟霞村天寒日

短人事迫歲晏未必能攀援開年有約定不爽好勵筭蕨羅
清尊

萬年藤杖歌壽吳西林爲天台許君所贈

天台古藤名萬年結根應在羲皇前鮫鯈皮皴瘦筋裏刮磨柔韌勻輕堅遠游濟勝自有具采掇踏破層崖烟臨江處士方杖國寄與便作登攀緣路逢劉阮奪不得一莖竟落明湖天老人自來腰脚健得之更如弓著弦兩峯重消幾繡屐六橋不藉雙槳船有時臥倚北窗下猶帶赤城霞氣鮮平生校書亦已夥不用太乙青藜然題詩衆欲逐韓杜桃竹赤藤相後先春入梅花見高格撥雲定向孤山嶺紅亭風暖搖酒帘此日正需懸百錢

題王述先隱居

我愛王夫子幽棲東郭開閑門向秋草倚杖對寒山偶爲論
文至剛逢沽酒還晚來相送處屐印蘚花斑

南屏秋禊

紅藕花邊艇子開白鷺陪我過湖來好山好水竹枝曲涼露
涼風蓮葉杯令節招攜宜選勝清秋鶴望試登臺翠屏他日
題名在合讓羣公擅賦才

鄭弗人自吳門返櫂將還四明兼寄蘇昆璠

片帆纔卸鯉魚風又欲乘潮渡浙東新月晚生漁浦荻蘋山
秋老沃洲楓五湖白鴈隨狂客三徑黃花待寓公想到南谿
正重九一尊還與故人同

西湖嬉春曲

寒食年時風雨多踏青今日喜陽和碧山三面向人笑黃鳥

一聲迎客歌

繫船須繫段橋邊看花須看岳墳前段家橋邊柳無數岳王
墳前花可憐

西湖竹枝詞

巾子峯前水磨頭上塘水向下塘流上塘船載歌舞樂下塘
船載別離愁

送嚴敏中力菴昆季之闕

伯仲才名世所稀聯珠並價有光輝新年竹葉傾人日遠道
梅花點客衣黎嶺雲閒雙鴈度延津水濶二龍飛故人臨別
偏怊悵臥病東臯獨掩扉

春晚同人湖上追悼孫卓如

十載明湖憶共游頭巾扶藜仰望鷗梨雲荏苒清塵適柳雪

迷漫白髮稠。泉下故人嘆。雨絕座中高弟。羈風流。餘生未得
償。吟債臍結青山一種愁。

集李澄齋草堂賦得一灣秋水

抱郭溶溶漾碧鮮。半塘橫展白鷗天。平橋幾日添梅雨。拍岸
多時蘸柳烟。斜照晚沈沽酒旆。落霞晴襯釣魚船。浮家不用
尋芳舊別占。臯亭號水仙。

送鄭熙衣還四明

把酒臨江興可乘。片帆斜日捲。西興鴈聲夏蓋湖。先歸棹漁
火蕭然山亂客。燈十月芙蓉如靚女。三冬楊柳似閒僧。知君
一路吟紅葉。早寄南溪數幅藤。

陳

撰

字楞山

號玉几

鄞縣

監生

僑居

錢唐

乾隆

丙辰薦舉博學鴻詞。著玉几山房吟卷。
詞科掌錄錢唐陳撰。楞山自號鄧人。初有續集秋吟。
擬古諸刻。壯歲以來。客於龍徵。長年不歸。意憇蕭澹。屏

絕人事詩意冲逸高簡乾隆丙辰徵舉博學鴻詞通政
寧夏趙公祭告南鎮廟其名薦於

朝

謝徵極工

程鳴曰楞山修行讀書寥然古處厭棄流俗如驚蛇之
鷹見擾之鶴故其文章械用不存落筆高妙而有韻之
言亦復成簡別固已掩抑摧藏私心羊體冷冷清清
徧七絃而沈萬木繡鍊一集篇什雖僅足以徵其微詣

之所

在矣

梧門詩話徵士陳撰字楞山又號玉几生家錢塘有玉
几山房舊書畫最富精賞鑑初有織錠集秋吟錄古諸
刻客儀徵長年不歸意思蕭澹屏絕人事詩格冲逸高
簡古蕩歸途云日暮東風急歸途雨正繁泥深黏屐重
雲濕帶林昏野水喧漁艇人家採竹門遙隣折梅
處回首更西村玉几生工畫其詩不婉有聲畫矣

陳鴻壽曰玉几先生工畫著墨不多翛然自遠得者實之

欽定

朱文藻曰謹案陳玉几詩集三卷載入
四庫全書別集存目稱陳撰以書畫遊江淮間窮愁寡
合故其詩多淒惻怨咽之音是編刻於康熙丙申蓋其
中年所作首曰納鉢集一卷次曰玉几山房吟一卷次
曰玉几山房擬古詩一卷皆戛戛獨造如其爲人雖未
及古要能離俗推擗古詩中多鹹勝流評語仍沿明末

山人之
習耳

擬古

小小不自揆昔賢謂可過時昧狹窮壤意氣凌山河白日不可挽壯志空蹉跎囊中資用竭一身尙苦多悵焉獨歸來浩歎成悲歌

芳渠揚清芬的礫長川涓丹華耀朱火綠莖緣文漪佳人曠千載採摘無由期白日暖將夕芳心空自持

黃鳥集柔桑白駒逝空谷豈不慕言旋進退苦無告作客每畏人投足多踧跼已無邱園存十畝何由築白雲時時飛煩紓亂心曲諺草不可樹汎此杯中綠

撫枕怨遙夜振衣步中林涼月皎素輝照我松間琴佳人不可覩山川阻遐深願因西飛羽遠致瑤華音雲路無由階引

領傷我心

我心苟有得榮悴可自主何爲競趨好委權與童豎誰能挽
海水去作天上雨斯已而已矣不見采芝侶

昔聞彭澤老耽醉未能醒折腰恥俗吏歸來臥柴局茅檐秋
日高朗誦山海經悠然觀物化坐對南山青我行一何有于
世空沈冥遺暮今已矣太息增撫膺

世俗拘耳目羣和失其真不知天下才有時還賤貧槃澗倘
終老身沒名亦湮哲人恥浮慕遠與太古隣神交豈象合心
往道彌親泥塗苟自得軒冕寧足珍

市門競錐刀志士爭懷抱誠使中心安此外均草草貧賤顧
有分簪裾何足道松柏本不凋何知春風好
勞生何時已早夜殊懵懵一朝魂魄離賢聖復何用銘旌指

荒郊喪輿遂相控親戚空追隨哭泣徒悲慟萬古一棺灰生人遞相送

雨雪謠

風刮地雪慚塗踏者何黔之驢障者何赤匪狐行僬僥走擔夫室噭噭攘婦姑足無扉身無襦黃米玉白米珠十家哭九家呼莫呼又莫哭雨雪暝晚陽春復天寧寺裏賑官粥

古蕩歸途

日暮東風急歸途雨正繁泥深黏屐重雲濕帶林昏野水喧漁艇人家掩竹門遙憐折梅處回首更西村

冬夜

寒檠小燄燼紅金散澹情懷寂寥尋一卷殘書開闔看數竿風竹短長吟已教老辨中邊味未便禪空愛染心我欲搖琴

破蕭瑟無絃何處覓知音

聞蛩

不寐夜聞蛩淒淒四壁空疎燈人醉後細雨客愁中失路依衰草長吟向暗風壯心殊突兀爲爾感飄蓬

甲午除夕

天地身仍客風霜影自憐艱難逢歲盡愁病入新年失路從飄泊懷人有醉眠長飢近亦得不擬送窮篇

十五夜坐月寄松門真州

對明月明月廣陵春昨宵二七今三五此夜三分已二分惟我殘燈焰凝紫惟我軒窗淨如水迢迢玉宇露華流淒戾金風飄素秋乍穿庭樹勞繩綰移入疎櫺更宛轉可憐宛轉最多情可惜團樂看不成夾城簫鼓墳哀咽散作荒涼故苑聲

已教露草凋紅色驚斷寒螢啼抑勒那能千里共蟬娟憊亂
江南未歸客去年江上弄清暉前歲茫茫踏省闈此日天涯
歎流落有誰門外喚披衣

春盡

爲貧常作客春盡未還家故國重回首江城正落花屯雲依
樹斷深柳趁風斜寂寞年時意勞勞空歲華

送鄭季雅

滄江憐獨臥春草看還生媿我未能去對君空復情青燈安
寂寢白眼任縱橫莫鼓齊門鋏悲歌總未平

答孫子晝

病入清秋瘦不支敢因搖落竟深悲黃金買駿原求骨綠簪
逢人且斂眉扼腕未須傷往事閉門真覺愧情時何當學取

河邊叟自擁羊裘理釣絲

經舊酒家

小市紅燈憶昔游短衣側帽劇風流
錢郎已去王郎死忍過樊川舊酒樓

寒食前五日蓉樓招同諸子泛舟紅橋

按譜畫板櫂雙拍賣酒青旗竹竿又放艇石橋南畔去傍籬
吹盡野梅花

食新

彈指流年過供盤香稻新可堪還素食辜負此閒身歲月悲
歌客天涯去住人自憐無一是未敢歎勞薪

柳枝

酒籌歌板記當年乙乙長條接短筵夢裏段橋南去路曉風

殘月有誰憐

陳士璠

字魯章號荷齋晚號泉亭錢塘人乾隆丙辰舉博學鴻詞授歲吉士官瑞州知府著夢碧軒詩鈔十卷文鈔

十卷文鈔

陳鴻壽曰先大父以增廣生舉大科入詞館改戶曹典試蜀中得士稱盛出守瑞州持躬兼介莅政和平詳杭革浦編修所撰誌銘任戶部時大學士公某以素精歧黃召之曰吾知爲郎官不知爲醫竟不往以是十年不得遷後某公事敗始出爲郡守所爲詩早年追蹤漢魏步趨三唐晚乃出入白蘇黃陸陶冶性靈謹守繩墨直抒胸臆而氣骨自遒

隨園詩話同試鴻博陳魯章士璠杭州人以諸生中式即授庶常途中祀事云月映湖光分外明蘆花影裏一舟橫夜深聞有鄉音在曉起開篷問姓名又嘗夢人贈句云路逕碧落三千里肇鳴銀河十二時醒殊不解後守端州郡解後有碧落山江右去京師恰三千里惟銀河句不知後有驗否

稼堂學使試事旣竣過署小飲

更散庭間日漸晡忽來騶從罷傳呼居然弟子忘星使莫笑

先生似埜夫桃李新陰還羨爾鵝鸞舊侶可慚吾盤飧此名
無多設頗似江鄉風味無

寒食官舍書懷

玉蘭花發柳條齊蛙鼓初喧鶯亂啼槐火石泉真似夢粥香
餬白不須題禁烟此地風猶古躡草何人路欲迷麥飯一盂
無可薦那堪回首問西溪

山行

紆曲疑無路蒼茫別有天橋欹藤蔓絡磴斷草痕連啼鳥破
山雨落花香澗泉風塵慚俗吏徙倚暮雲遊

蜀江舟中

順流直下瑞陽城盪槳橫溪自在行楊柳如煙春似夢落花

時節近清明

丙子秋病作請假旋里畱別四首

莫言投老一身輕示疾維摩太瘦生繞砌乍驚蛩唧捲簾
不耐雨盈盈屏除案牘心初淨觸撥溪山夢亦清笑語妻孥
歸計好石田底事不堪耕

羸驂幾載倦驅馳仍似鷓鴣借一枝敢謂文章能報國祇慚
經濟乏匡時江潭露冷三秋柳京雒塵添兩鬢絲舊夢尋來
真惆悵銀河滌筆費沉思

厚祿虛糜石二斗此邦父老意纏絲已知買犧耕春隴曾爲
論文闡講筵惜別應揮兩行淚暗行漫邇一文錢上官頗亦
憐窮更慰勞頻來錦字殷

寂歷虛堂久殢淫長途其柰薄寒侵累人琴鶴猶長物待客
鶯花是素心祖父尙期謀寸土兒孫何必有簾金江鄉幸駐

桑榆景日新詩自在吟

陳

唐

字希馮又字雲川嘉善人著青芝山房集

沈心菴志錄畧曰君生子考亾後迨長追痛終其身衣布素帽不飾紅纓當暑每露頂款客小時會庭童試後絕進取志專心學古性好佳山水移家鄧尉山中瓦屋數株梅花百十樹閒居奉母怡然自得有號青芝山人

石壁精舍

異境高僧闢蒼松峭石間牆頭太湖水窗裏洞庭山夜梵龍潛聽晨鐘鶴自還功成人已去寂寥贋孱顏

自香雪海由長旂嶺至元墓山聖恩寺

逶迤盡平坦一嶺度羊腸雪浪辭梅海香燈破道場煙霞千佛古形勝萬峯長清磬冷然遠畱人到夕陽

宿白衲菴緣筠閣讀壁間僧德西詩

招提開別徑竹樹繞屢屏雲氣窗前合泉聲檻外飛山空清

磬寂秋冷暮蟬稀吟罷高僧句詣天夕照微

顧

光

字彥青號野翁又號凍圃仁和人乾隆戊午舉人官廣州知府重赴鹿鳴苦櫓頌堂集

铁子

加
恩
士
子
選

其能官者先生名與馬遂令滿畫心服
三士子公別研問多方公言河道事定

第
加
恩
士
子
選
其
能
官
者
先
生
名
與
馬
遂
令
清
豐
盡
心
賑
務
北
軍
全
軍
行
活
無
算
上
三
帖
子
於
制
府
問
亭
方
公
言
河
道
事
定
以
和
送
軍
行
先
生
以
急
裝
揭
大
京
兆
廳
星
齋
兩
公
命
援
筆
立
成
兩
公
皆
大
喜
歲
庚
辰
計
典
行
以
卓
異
陞
安
順
府
郎
岱
同
知
地
在
萬
山
中
當
滇
黔
黔
孔
道
苗
雜
處
先
生
治
之
朝
割
煦
嫗
寬
猛
得
所
復
苗
誠
強
勸
民
以
大
安
知
廣
州
府
廣
州
爲
粵
東
首
都
屬
縣
十
四
地
大
事
繁
先
生
心
力
俱
瘁
引
疾
去
粵
中
人
上
綸
沈
香
浦
圓
以
贈
作
詩
歌
留
別
者
數
百
人
十三
行
大
西
夷
人
聞
者
皆
爲
太
息
旣
歸
授
徒
自
給
長
吏
延
至
紫
陽
別
墅
講
授
事
著
錄
弟
子
多
知
名
人
先
生
詩
已
刊
行

詩書皆藏于家。吳錫麒橋頭堂集序畧曰：涑園先生以詩鳴者垂六十年，雖偶渝其芳風，獨扇淵然若長明之燈，蔚然爲靈光之殿。錫麒早侍高筵，得窺峻目。其時同里黃相圃、姚春漪、黃玉階諸人，相約爲琴臺之課實，皆就正於先生焉。

مکالمہ

三三

東陽府志

七

先生幼勤枕席早舉孝廉淡泊平聲利之緣流連乎山水之趣北轍乍歇南帆更張租江山之船汎桐廬而上榕樹城邊小住荔支鄉裏初來百里牽絲干夫爲吏始興城於畿輔旋領郡於東南滹沱之河盧龍之塞夜郎之舊國尉陀之故臺雁戶嗷嗷狼程唱夕絃歌爲理縣之譜篇什代活民之書解組飄然數樣卜築擊鉢撫琴之侶諸禪問慧之徒時雜仙心間參元解一篇跳出萬籟爭鳴應宮應商可登之樂府以南以雅如對乎古人

冰鮮行

玉河水澆吹霜風鑿冰夜叩鴈夷宮呂師竭澤獻王鮰哉流一網纖鱗紅誰憐白小亦羣命雪融冰結交連筭包茅飛騎里二百離紅及膾晨餐充五侯之鮒尙珍異食單未許郇公工紫駝紅羊出蕃外萬錢一箸愁盤空有時銀絲作羹品潛那絳炬籠磁盆早出唐花烘橘香細弱無骨芼以玉筍黃芽菘綠天牕罰終庖人行羹置當中銀碗盛雪若虛壘舉匙一呷心氣融

洗盞更酌飲長虹是時客子末座從持杯不飲心忡忡人生
豐約原不同二七鮑榮庚耶窮

下闋

一闊復一闊今年船過去年曠十旬閼淺不得行夜半流澌
互撞儘典衣守得春風迴雪消水澑清河隈官符火急昨日
下啓版速令糧艘開前船後船銜尾過一船疾下橫衝破浪
花堆裏出船頭千夫岸上齊聲和急漚已斷波漸平修船酌
酒鎮餘驚長年爾莫大懼喜明日天妃闊上行

寄懷周迴川

夫君不可見歲晚意如何燕市酒徒盡候門竿客多離情對
芳草詩思託微波亦有歸與歎無因渡潞河

落日泉州道西風惜別途愁心易搖蕩木葉下江湖客裏裁

紅豆人來話白烏把君行卷好珍重阮元瑜

桃枝詞

竹枝詞於樂府雜曲外別具音調後人繼作有柳枝
橘枝諸詞可謂各極妍妙矣余乃別作桃枝詞欲以
嗣響前哲世有老鐵諸公當不令余么絃獨奏也

湖裏鶯鶯水自香小青墳上蹋春陽桃花未向東風笑已有
行人爲斷腸

春草青青新婦磯水仙祠下鶯鶯飛郎船空載春歸去不待
桃花結子歸

昨日中酒今日遊日日醉歸湖上頭美人到底不經老桃花
到底不經秋

吳中阿娘工刺船獨來渡口與門前柳枝唱罷竹枝唱若唱

桃枝更可憐

晚查丈蓮坡

豪士扶風未肯擾愛閒不復老林園河間好事成前劫
鄰下風流盡此尊絲竹中年同輩在文章別錄幾家存猶餘嗚咽
桑乾水長浸青青墓草痕

哭周徵君穆門

文章自是別愁多板拍清詞可柰何閒日湖山看不足斷絃
零落雪兒歌

清時縱掖總能儒獨行真成近代無誰與襄陽傳耆舊鹿門
耕作有人俱

宛陵詩格未全諳擬傍元關靜裏探最是閒人天亦忌不留
詩老在江南

漏

恭

字方周號恪堂烏程

吳士堅傳異曰公好讀書崇撲實不求進取好集名賢

手贊繢有楊忠愍鹿忠節諸遺墨時展玩興到隨意

吟

咏

看兒子純畫蓬島圖

豈將繪事望成名游藝何妨見性情此事亦看前輩在苦心
元與古人爭能添老樹聰明到愛說煙雲供養清可當藜衣
娛我老來朝扶杖看蓬瀛

溫崧曾

字儕嶽號雲坡烏程人乾

隆平

予舉人官洛川知縣

晚晴

雨餘天欲暮四望野原通薄霧朦朧碧餘霞片殷紅水平微
有態山遠淡浮空叱犢斜陽裏徘徊一笛風

張雲鶴

字紫田號抱山海

鹽人

著抱山詩鈔

洪受豐行狀畧曰先生慕林和靖爲人不慕榮仕終身
不娶出入以琴自隨工書畫尤達於詩前邑宰舒雲亭
先生亟加賞識序而付諸梓今所傳抱山詩鈔是也張
氏爲海鹽巨族自給事韓惟亦而下代躋仕版先生獨
無意選取

以白高云

制置

中歲不娶妻頹齡寧有子譬夫擇陽桐特立無與比生理有
時盡百年旦暮耳長於山澤間死恐親轡蟻伐木斲爲棺槨
漆塗表裏棺成手自題碑以志姓氏敢希陶靖節庶幾林處
士正如將歸客晨興戒行李遄征豈辭勞綬駕固所喜清風
廓我懷明月招爲侶優游泉石間終當以樂死

同洪冷齋天眷又韓崑圓滄嶼諸昆弟縱飲古墓間
落日懸青松春風吹白楊不知誰氏墓爲我歡樂場開襟坐
碧草挾瑟調清商酣歌弗覺暮暢飲那論觴富貴有定命何

兩湖輜輶錄 卷三十四
苦日奔忙神仙亦虛妄駐世豈久常生前不快意死後徒悲傷痛彼泉下人骨朽已千霜

甲辰觀潮日梁若山偕諸弟子張樂於白楊湖畔余以素琴先之當時聽者咸稱妙絕忽忽垂二十年矣若山不世余髮盡白因感而賦

觀濤客散暮山青拂拭瑤琴坐草亭兩岸垂楊維畫舫一時停箋月中聽

紅毛酒盡綠螺乾玉笛銀箏曲未殘今夕迴欄重徙倚荻花風急晚潮寒

九日偕治齋過宜振堂同孟博無競賦

清風瑟瑟露泠泠訪舊從君一叩扃孤客獨吟頭蚤白故人相對眼猶青窗含竹影棋聲冷階轉花陰酒力醒惆悵明年

當此日不知何地著浮萍

王元啓

字宋賢號惺齋嘉興人乾隆辛未進士官將樂知縣著祇平居士集

翁方綱墓誌銘畧曰先生幼即有志聖賢之學不爲時俗支字與乾隆甲子鄉試辛未成進士署將樂縣三月

而擢前後三十年間十至書院所成就之士著顯者數千百人爲學以宋五子爲宗說經尤精于易爲文一本

翰子臯讀韓記疑十卷周易四書講義史記漢書韓非子孫可之歐曾王文集及錢文子補漢兵志諸書校正

評註凡若干卷惺齋論文幻股九章論祇平居士文集

恭壽堂家訓若干卷旣病革猶補註周易下經及校勘韓集易至旣續止韓集則易賈前一日猶命子尙繩改

定順宗寶錄記疑條中二字蓋其貫天人古今之精力畢世

以之

題杜太守甲知通州日釐正祀典罷榷油酒雜稅二文

稿後二首

督宗祀先達後學所矜倣柰何從賊臣妄使玷鄉校時魏藻

卿杜公領通牧志在維風教念茲關勸懲僭差不容稍直筆

彰信史詎任彌縫巧錚錚數百言震耳若驚爆綱常一以明
栗主旋毀槐誅彼旣死魂足使人心惊死亦豈足誅維用勸
忠孝

關征暨屢稅

國賦自有常誅求逮負販奉法殊未減公心切民隱疾痛如
身嘗作書告大吏陳義何慨慷飛章達

宸聰

恩詔來天闕歡聲動衢巷共拜

聖澤長乃知

盛明代選吏須循良德澤不下究吏實乖其方公恩廣且永
路水同汪洋

古林禪室

一徑疎籬帶落花苔痕踏破野人家甘蕉過雨分窗潤稚竹
迎風入檻斜玉研溪藤蔓舊帖綠沈羹碗品新茶無端生計
頻爲客拏向青門學種瓜

陳

炳

字存和一作存吾號摩邮海寧人

副

沈廷芳觀復堂詩鈔序畧曰余嘗聞摩邮詩名未得識
面歲戊申余遊太學摩邮亦鼓篋橋門踰年秋闈同報
罷一夕過摩邮古藤書屋曰此先輩朱老著書所也盍
相與秉燭賦詩因沽酒百觚飲未盡而而韻已就時夜
將半吟聲出戶外枯藤宿鳥皆戛戛驚起旣醉覺寒甚
共攬敝裘以益布衾達旦余別去又數年過吳趨舅氏
家摩邮方續裴草之樂相遇酬酢見余從風雨中來
爲解施褐就金粟香邊酌酒相勞兼以絕句見贈

沈三椒園由宏詞科入翰林賀之以詩

等閒三載重科名如此科名更可驚大典百年惟再舉羣公
一戰竟齊盟鼎變色重非時覩鐘虞聲宏必大鳴詞筆縱橫
風格換中朝誰不重登瀛

卯君師治兩叔邀集湖舫奉呈長句

誰與湖山作主人
征衣竟洗十年塵
旗亭幾醉長安市
畫舫重遊故國春
眼底浮沉看梵刹
世間榮落問花神
竹林勝事追陪慣
莫謂樽前少一賓

時同遊者六人

粵西有左右二江余在粵七年由桂林調慶遠之河池
往來並在右江頃已辭粵北行舟中檢閱舊稿合古
今體詩約百首題曰右江集復成二律並寄駁翁
曾無政化及蠻天敢以哦松擬昔賢分駢謬稱司馬後游程
僅歷右江邊牋畱草本參差見好趁舟行次第綱不是風塵
親吏事险篇應有解人傳

小住應官有底忙坐令碗北席全荒桂八旬樽前得句情如
舊刪後無詩語未狂涼夜懸燈通斥堠秋風鼓棹渡瀟湘吟

成爲報東陽叟但有新詞早寄將

胡樹柟

字萬谷號恬庵秀水人嘉興府學諸生乾隆丙辰薦舉孝廉方正

錢塘江送別夔望六兄之麗水學博任

屈指頻年來親朋常作客骨肉無幾人俱奮青雲廟男兒志四方離別那得惜惟此寸心中耿耿不能釋漫漫大江流晝夜不稍歇我有長相思可以遠相適朝思寄汝夕思寄汝

汐

胡樹薇

字接望號北垣秀水貢生官承康教諭改縣丞陞任縣知縣

畱別永康諸生

豈有草羹鱸膾思秋風千里賦歸詞一篙綠水舟行候十載
青山夢破時間字幾人還賈酒分題何日更拈髭離情無限
憑誰說惟有河橋楊柳知

章齋傳

字習之號硯屏歸安人乾隆壬戌進士

吳興詩話硯屏由中書歷吏部郎中遷御史轉掌科父

子同頃皆止是職閣晴巖同舟出都倡和詩云紳義有

誰堪作僕詩名原是不論官銜同莊叟憐渠屬鶴異羊

公任客觀以給諛成進士未用故云趙耘松翼冬夜讌

習之前輩宅詩云遷舞微歌集畫堂消寒共作少年狂

酒推大戶先衝陣詩諺名家獨擅場照座玉山豪叔則

勸杯金縷杜秋娘殘冬常厭

更調緩今夜如何夜不長

曉泛碧浪湖

浮玉秋峯郭外欹蕭然兩岸荻風吹碧天印水平如鏡剪破
涼雲縫一枝

挂瓢堂懷孫山人太初

朝遊山嶺暮水國安化王孫人不識五隱風流苕水間一杯
寂寥歸雲側山人非獨擅詩名能曉更事兼知兵斯語相傳
聊復爾衿衣鐵笛鳴孤清孤清自喜絕塵滓高坐烟林酌青

馳學道看除沈侍郎就昏難免何居士嗟哉往事徒蒼涼古
木盤雲倚夕陽碑斷阡移荆棘裏鶴瓢空復懸秋堂

過中笏山前輩海淀新寓次諸桐嶼舍人韻

郭外疎椽柳半遮春簾小軸午陰斜香光靜比維摩室草色
濃於仲蔚家近市好容長買醉到門不定爲看花先生擘紙
風流在脫帽相從一笑譁

庭空如洗絕無遮曲折初安六枳斜過眼烟霏皆入畫隨身
硯具卽爲家未輸吟舫浮春水也抵山窗受落花吾亦有廬
葭菼外夢回長憶息紛譁

鄭萬年字勝津號竹坪西安人乾隆己未

進士官左州知州著竹坪詩稿

家傳畧曰竹坪居官有循吏聲解組

歸依然寒素孜孜講學以勵後進

初抵左陽

國朝東華錄卷二十一
土城疑是女牆低
舞白茅黃望處迷
寥落人家傍官署
夜深猶喜有雞啼

冬仲霜輕留紫菊堂邊梅老忽飛花由來此地宜名左不向人間州宅誇

鄭光瑗

字達若號磊巖西安副貢生著磊巖詩稿

家傳畧曰磊巖掌教太平府麗江書院粵西名士多從之遊郡守查樹亭尊禮之時目爲郭林宗

和查儉堂郡伯都中懷領西故人詩

才思飄飄迴不羣吟箋曾記許同分忽驚歲月如流水添種桃榔已拂雲謝屐幾人懷舊蹟荀香何日近餘薰禱祠應慰生民望擁傳還教看使君

柴景高

字行之號鹿柴仁和人藏唐孫潮生子乾隆辛未進士官安南知縣

家傳畧曰公少負才名與袁太史收相頤頑人稱鷺鷥才子南歸安南片言折獄上官器重之首刻勸善碑尋卒於

官

謁選安南縣令和同人見贈

十年慚愧軟紅塵
燈火因緣夢亦親
我已羞隨鄰女嫁
畫眉從此不如人

到六安州

雲樹迷濛送客舟
一帆初到六安溝
蘆花夾岸雨聲碎
除却江南無此秋

柴繩高

字彥之號墨莊仁和監生湖生子

石佛閑和前明馬孟河原韻

任城古戍野花叢
寒食匆匆客路中
槐市詎開童子塾
柳陰遙識梵王宮
碑文剥蝕搜奇句
蓬梗飄零歎舊踪
駐馬斜陽村店近
平疇麥浪捲春風

沈慶曾字駿文號學圃仁和歲貢生

官紹興府學訓導若穀音集

和歲貢生

舟次富春

離家纔百里旅況已淒然孤雁衝寒月扁舟宿暮煙心隨秋
葉亂身傍水鷗眠欲問如何夜荒雞促曉天

秋日山居懷友

茅屋空山裏開窗對夕曛松奇多化石烟冷半成雲舊續驅
貧賦新修乞巧文何人同唱和惆悵爲夫君

王德溥

字容大一字潛

和錢塘諸生

杭世駿墓誌略曰君父鉤筮仕當爲州邑親民之官不
就君寡兄弟終身孺慕盡事親之道親親之誼備師友
之間無遺憾篤于行仁而不計財之贏絀勇於爲
仁而不辨世之貪廉易賛前索紙書一詩以戒子
何琪詩敘界曰君於唐宋諸大家靡不流覽尤喜劍南
詩同里陸君筱飲高君蘭陔相與切研往還無間尊甫
取陶先生年躋耄耋倦遊歸里闈養素園以娛老樹石
池館之勝甲千里中而又禮延王丈茨檐以課諸孫王

丈與杭太史董浦汪徵君槐塘張孝廉南滿世和松里
四子于是諸耆宿及西湖詩僧莫虛讓山時相遇從繼
又築寶印軒爲藏書之所君復廣收善本秘冊充物其
中所作詩以和平溫厚之懷蘊于中而發于外故其人
爲古君子其詩亦古君子之詩也

曹大荔帷徐大南徐同過養素園

三徑將荒近欲鋤忽聞二妙過吾廬潭雲山雨供詩筆庭樹
檐花映客裾懶性自來交最淡高懷應諒禮全疎若憐郭外
風煙好祇待還能具野蔬

艾橋先生移居有作卽和原韻

一任霜毛白到顛風流人盡識癯仙祇期門巷清如水不厭
軒窗小似船乞竹欲將餘地補移牀好就醉時眠從茲更謝
閒來往免使苔墻損綠錢

兩浙輞軒錄卷二十四